

ՄԱՀԱԳԻՐԱԿԱՆ

Ի ՏԵՐ ՆԱԽԳԵԱԲ Տ. ԱՂԱՆ ԱՐՔԵՊԻՍԿՈՊՈՍ ՊԱՄԻՈՋԵԱՆԸ

Խոր ցավով պեղեկացնում ենք, որ սեպտեմբերի 22-ի առավոտյան Սիդնեյում սրտի կաթվածից 66 տարեկան հասակում վախճանվել է Ավստրալիայի եւ Նոր Զելանդիայի Հայոց թեմի առաջնորդ Գերաշնորհ Տ. Աղան արքեպիսկոպոս Պալիոզյանը:

Առաքելական մեր Սուրբ Եկեղեցու վաստակաշատ հոգևորականի անժամանակ եւ անակնկալ վախճանը մեծ ցավ է Հայաստանյայց Առաքելական Սուրբ Եկեղեցու հոգևոր դասի եւ մեր ժողովրդի գավակների համար:

Ն.Ս.Օ.Տ.Տ. Գաբրիել Բ. Ծայրագույն Պատրիարք եւ Ամենայն Հայոց Կաթողիկոսը, Գերագույն Հոգևոր Խորհուրդը եւ Հայ Եկեղեցու հոգևորականաց դասն առ Աստված աղոթքով բարեխիշտարակ Սրբազան Հոր հոգու խաղաղության եւ հանգստության համար՝ սգում են Գերաշնորհ Տ. Աղան արքեպիսկոպոս Պալիոզյանի մահը:

Յիշարակն արդարայն օրհնությամբ եղիցի:

ԿԵՆՍԱԳՐԱԿԱՆ



Տ. Աղան արքեպիսկոպոս Պալիոզյանը (ավագանի անունով Եղիա) ծնվել է 1946 թ. օգոստոսի 18-ին Հալեպում: Այնպեղ էլ սրացել է նախնական կրթությունը:

1961 թ. ընդունվել է Երուսաղեմի Ժառանգավորաց վարժարանը, 1968 թ. ավարտել ընծայարանի բաժինը:

1966 թ. մայիսին ձեռնադրվել է սարկավագ, իսկ 1968 թ. հուլիսին՝ արեղա՝ ձեռամբ Երուսաղեմի Հայոց Պատրիարք Տ. Եղիշե արքեպիսկոպոս Տերտրյանի:

1971 թ. նոյեմբերին Օշականի Ս. Մեսրոպ Մաշտոց եկեղեցում լուսարարապետ Տ. Հայկազուն արքեպիսկոպոսի ձեռամբ սրացել է վարդապետական աստիճան:

1968-1971 թթ. վարել է Երուսաղեմի ընծայարանի փոխպետեօի եւ բարբուղարի պաշտոնները՝ դասավանդելով միաժամանակ գրաբար, աշխարհագրություն:

1972 թ. սրացել է վարդապետական լանջախաջ եւ ծաղկյա փիլոն կրելու իրավունք:

1970-1971 թթ. միաժամանակ վարել է Գյուլպենկյան մարենադարանի տեսչի պաշտոնը:

1971-74 թթ. Երևանի պետական համալսարանում հեղինակել է հայոց լեզվի և գրականության դասընթացներին՝ որպես ազատ ունկնդիր:

Նույն տարիներին Էջմիածնի հոգևոր ճեմարանում դասավանդել է Մեկնություն Տին և Նոր Կրակարանների, Ծիսագիրություն, Վարք Սրբոց և Քրիստոնեական առարկաները:

1974-1975 թթ., վերադառնալով Երուսաղեմի Հայոց Պապրիաբություն, վարել է Ժառանգավորաց վարժարանի և ընծայարանի տեսչի պաշտոնը՝ միաժամանակ դասավանդելով Աստվածաբանություն, Գրաբար և Ծիսագիրություն:

1975թ. նոյեմբերից, Ավստրալիայի և Նոր Զելանդիայի Հայոց թեմի առաջնորդ Ս. Գարեգին եպիսկոպոսի հրավերով, վարել է թեմի առաջնորդական փոխանորդի պաշտոնը:

Ս. Ադան եպիսկոպոսն աշխատակցել է Ս. Աթոռի «Սիոն» ամսագրին: Կազմել է ամսագրի 1866-77 թթ. և 1927-71 թթ. նյութերի մարենագիրությունը:

1976 թ. հունիսին Սիդնեյում ծայրագույն վարդապետական աստիճան է ստացել՝ ձեռամբ առաջնորդ Ս. Գարեգին եպիսկոպոս Գազանճյանի:

1981 թ. նոյեմբերին Վեհապատ Հայրապետի կոնդակով նշանակվել է Ավստրալիայի և Նոր Զելանդիայի Հայոց թեմի առաջնորդ:

1982 թ. փետրվարի 14-ին ձեռնադրվել է եպիսկոպոս:

1991 թ. Վազգեն Ա. Ամենայն Հայոց Կաթողիկոսի բարձր փնտրիմությամբ նշանակվել է Նոդկասարանի և Ծայրագույն Արևելքի հայրապետական պատվիրակ:

1993 թ. հունվարի 17-ին Վազգեն Ա. Ամենայն Հայոց Կաթողիկոսի կոնդակով Ադան Սրբազանին արքայության պատիվ է շնորհվել:

1994-97 թթ. ընտրվել է Ավստրալիայի Եկեղեցիների Ազգային խորհրդի առաջին նախագահ:

1995-ից Գերագույն Հոգևոր Խորհրդի անդամ էր:

1998-ից ի վեր Եկեղեցիների Համաշխարհային Խորհրդում ներկայացրել է Հայաստանյայց Առաքելական Եկեղեցին՝ Մայր Աթոռ Ս. Էջմիածինը: Մասնակցել է ԵՏԽ-ի Կանֆերանսի (1991 թ.) և Հարարնի (1998 թ.) համագումարներին:

2001-ից առ այսօր, երեք հաջորդական շրջանների համար, Նյու Մաուր Ուելյոգ Էկումենիկ խորհրդի փոխնախագահ էր ընտրվել:

Այս տարիների ընթացքում հոգելույս Սրբազանն արժանացել է Ավստրալիայի պետական շքանշանների՝ երկրին ու հասարակությանը, հապկապես հայ գաղութին մատուցած բարի ծառայության համար:

ՄԱՅՐ ԱԹՈՐ Ս. ԷՋՄԻԱԾՆԻ
ՏԵՂԵԿԱՏՎԱԿԱՆ ՆԱԽԱԿԱԳ.